

OCTOBER
LUNA DI
CONSCIENTISACION DI
CANCER NA PECHO

ISLA((•))NLINE



Diahuebs 8 October 2020

Email: IslaOnline@gobierno.aw Tel: 528-4900

2020



ISLA ONLINE
NOTICIA DI GOBIERNO

UN ISLA UNI
LO VENCE TUR RETO



GOBIERNO DI ARUBA



Premier Evelyn Wever-Croes: ARUBA TA NA MESA AINDA CU HULANDA PA YEGA NA UN AREGLO DEN BIENESTAR DI HENTER ARUBA



Premier Evelyn Wever-Croes a duna un update di e negosacionnan cu Hulanda. Esaki despues cu prensa a haci e pregunta na e status mirando cu aparentemente Corsou y Hulanda lo a yega na acuerdo cu otro riba e condicionnan di Hulanda pa fianza.

Premier Evelyn Wever-Croes a indica cu Gobierno di Aruba ya for di mas di un luna pasa caba a yega na un acuerdo similar, sinembargo tur cos a cambia ora cu dia 4 di september, Hulanda sin consulta cu Gobierno di Aruba, unilateralmente

a cambia e condicionnan y a indica cu e 204 miyon florin lo mester yuda Aruba pa 5 luna, siendo cu e tabata destina den prome instante pa yuda Aruba cu 3 luna. Gobierno di Aruba mesora a informa Hulanda cu esaki no ta posibel pasobra a haci schuif cu e gastonan di juli y augustus cu mester wordo cubri awor.

Apesar cu Aruba a pidi Hulanda pa reconsidera nan decision, Hulanda a nenga y a forsa Aruba pa bay busca e fondo di juli y augustus su mes. Despues Hulanda a realisa nan eror y a indica di ta dispuesto pa presta Aruba e placa pero kier haya un consejo di CAFT prome.

CAFT recientemente a duna Gobierno rason cu e placa tawata necesario por lo tanto Hulanda no ta supone di a kita e placa ey. Sinembargo, mientras cu esaki tawata pasando, Gobierno no por a warda mas y a haya e 173 miyon presta riba mercado local pa cual Gobierno di Aruba ta hopi agradecido.

Gobierno aworaki ainda ta wardando e decision di Hulanda riba e consejo di CAFT riba e necesidad financiero te cu fin di aña 2020, pa sigui papia riba e contenido di e Rijkswet.

"E punto cu Corsou a yega awor, Aruba a yega mas cu un luna pasa caba. Ta di lamenta cu a bin atraso door di e decision di Hulanda di dia 4 di september. Awor nos ta wardando e decision di Hulanda riba e suma di fianza pa nos traha un balans atrobe kico tur a cambia mientras tanto, pa despues bolbe cana e caminda di consulta cu gremionan y finalmente Parlamento. Nos ta keda cu confiansa y optimismo cu nos ta sali afo cu un areglo cu ta den bienestar di henter nos comunidad", Premier Evelyn Wever-Croes a duna di conoce.

Departamento di Salud Publico:

UPDATE 8 DI OCTOBER 2020

Segun resumen di awe por tuma nota cu mas persona ta sigui recupera, un total di 40 persona awe a recupera, tin un total di 17 caso nobo di Covid-19, di cual tur ta residente, ("positivity rate" bou residente ta 13%). E total di casonan activo a baha cu 23 persona y ta na 401 awe, total di testnan haci ta 217, testnan haci bou di residentenan na laboratorio di hospital ta 133 y total di caso di fayecimento relata na Covid-19 ta 31.

Hospital ta informa cu tin un total di 25 persona interna di cual 9 ta den cuida intensivo y 16 ta isola riba piso general.


Pa por sigui maneha e transmision di covid ta importante pa comunidad ta alerta y na prome indicacion di sintoma tuma contacto cu dokter di cas pa por haci un test. Door di isola e casonan positivo nos por controla e virus y stop e di sigui plama.

Ban sigui cuida, Aruba ta conta cubo pa sigui maneha y controla e virus di Covid-19.

CASONAN CORONAVIRUS COVID-19 ARUBA

8 DI OCTOBER 2020

	TOTAL	RESIDENTE	NO RESIDENTE
CASONAN NOBO	17	17	0
ACTIVO	401	394	7
RECUPERA	3718	3671	47
POSITIVO	4150	4096	54
NEGATIVO	29586	-	-
GETEST	33736	-	-
GETEST NA AIRPORT	14996	-	-
MORTO	31	31	0





MINISTER DI FINANSA, ASUNTONAN ECONOMICO Y CULTURA

MINISTER XIOMARA MADURO




Sosten Financiero pa Empresa Chikito y Mediano DESDE DIALUNA, 12 DI OKTOBER TE CU 16 DI OKTOBER, 2020 EMPRESANAN CHIKITO Y MEDIANO CU TA BIN NA REMARKE POR APLICA PA SOSTEN FINANCIERO PA E ULTIMO KWARTAAL DI 2020

SVb ta anuncia cu tur compania cu ta bin na remarke pa ricibi e Sosten Financiero pa Empresa Chikito y Mediano (Sosten Financiero) mester yena un aplicacion den nan portal digital MiSVb pa por ricibi esaki.

E pago no ta bay automatico y si e compania no aplica, e no ta ricibi e sosten financiero. E Sosten Financiero ta e suma di Afl. 4.000 pa kwartaal cu Gobierno di Aruba ta yuda empresanan chikito y mediano cu ne.

Pa por tin derecho ariba e Sosten Financiero, e compania mester cumpli cu e siguiente rekisitonan:

1. E compania ta registra na SVb cu un minimo di 1 y maximo di 50 empleado;
2. Tur empleado mester ta registra cerca SVb riba 15 maart 2020;
3. E compania ta registra na Camara di Comercio riba 15 maart 2020 (cu excepcion pa esnan cu no tin obligacion legal di ta registra);
4. E compania ta registra na Departamento di Impuesto riba 15 maart 2020 y tin un persoonsnummer;
5. E compania a cumpli cu declaracion di BBO pa lunanan di april te cu september 2020;
6. E compania ta spera perdida di entrada di benta di por lo menos 25% pa e lunanan oktober, november y december, 2020;
7. E compania ta estableci fisicamente na Aruba;
8. E compania no ta failliet;
9. E compania no tin peticion pa suspencion di pago na Corte di Husticia;
10. E ayudo di Afl 4.000,- no ta parti di e benta di e compania.



E compania cu a ricibi un notificacion di SVb cu e ta bin na remarke pa ricibi Sosten Financiero por aplica pa esaki desde dialuna 12 di oktober, 2020 cuminsando 9 'or di mainta te cu diabierna 16 di oktober, 2020 na fin di dia (11:59 PM). E formulario di aplicacion ta disponibel den e portal digital MiSVb di e compania. E compania ta ingresa den su MiSVb cu su credencial y ta busca e formulario. Ta yena esaki completo y primi ariba ENTREGA PETICION. Tene na cuenta cu no por haci cambio despues di a entrega e peticion y ta 1 oportunidad so tin pa aplica.

SVb ta transferi e suma di Sosten Financiero tur dia pa e companianan cu nan aplicacion a keda aproba.

Pa facilita e proceso di aplicacion y contesta pregunta di empresa chikito y mediano relaciona cu e programa di Sosten Financiero por tuma contacto cu e Helpdesk via mail na helpdeskmkb@svbaruba.org. Tambe por subi ariba e pagina di SVb www.svbaruba.org y bay na e topico Sosten Financiero (na Doño di Trabou).

Minister Xiomara Maduro: BANCO MUNDIAL TA PRESENTA NA CONSEHO DI MINISTER NAN RAPPORT RIBA SEGURIDAD DI CUMINDA NA ARUBA DURANTE Y DESPUES DI E PANDEMIA DI COVID19


Diamars mainta Consejo di Minister a haya un presentacion di Banco Mundial riba e investigacion cu nan a haci riba e seguridad di nos cuminda na Aruba durante y despues di e pandemia di COVID19.


Memey di e pandemia di COVID19 Minister Maduro di Economia a pidi asistencia di Banco Mundial pa yuda haci un 'rapid assesement' di e seguridad di cuminda pa Aruba pa asina sigura cu nos tin suficiente cuminda durante e pandemia, y pa Banco Mundial recomenda nos ki paso pa tuma pa sigura cu nos por keda abastece nos mes di cuminda na un manera sigur despues di e pandemia tambe.

Banco Mundial a recomenda pa desaroya agricultura na Aruba basa riba dos pilar, en corto, inverti den scala comercial via start ups y promove inversion den scala micro manera plantacion patras na cas of riba dak di cas of edificio. E rapport cu tur recomendacion ta disponibel via e link, https://issuu.com/gabinetewevercroesaruba/docs/building_resilience_in_aruba_s_food_security_durin?fr=sZGY1NjIwOTgzNQ

Conseho di Minister a pidi Departamento Economico y Santa Rosa pa traha riba un plan con por implementa e recomendacionnan mas pronto cu ta posibel. Agricultura ta un di e 6 sectornan prometededor pa diversifica nos economia y via cooperacion regional y cu yudansa di tecnologia nobo e posibilidad tey pa den forma comercial y/of nos por abastece y sigura cuminda pa nos Pais.

Minister Xiomara Maduro ta gradici e team di Banco Mundial y tambe e team di Departamento Economico y Santa Rosa hunto cu economista Rendell de Kort pa e trabou importante aki haci pa Aruba memey di un pandemia.





Minister Dangui Oduber: AWOR MAS CU NUNCA PREVENCIÓN DEN SALUD TA IMPORTANTE



E último lunanan tawata hopi difícil pa nos tur na Aruba. Covid-19 ta pone nos realiza con importante bida ta y tambe con importante cuida nos mes ta y cuida nos salud. E ta pone nos realiza tambe con importante prevención den salud ta.

Nos maneho di ministerio di salud ta dirigi riba prevención den salud y hunto cu PAHO, DVG y tur stakeholders den cuida na Aruba a lansa un plan nacional den prevención. E último luna nan a pone cu nos enfoca tawata baha e contagio y cantidad di casonan positivo di Covid-19 y maneha e transmission den mihor forma posibel. Esaki no ta kita cu nos lo keda pone énfasis riba ehecutcion di nos vision di prevención den salud.

Na e momentonan aki gastonan di cuida medico ta sigui aumenta y como minister responsabel pa salud di nos comunidad nos tin cu tuma accion. Nos comunidad no ta esun di mas saludabel y e consecuencia cu esaki ta trece cune ta cu hopi hende ta sufrí di malesanan crónico manera presión halto, suco, problemanan cu curason y tambe e índice di esnan cu ta dialyseer ta haltísimo.

E índice mundial di persona nan cu mester dialyse ta 8% y na Aruba esaki ta 16%. Cada pashent cu mester e tratamento di dialyse ta costa 100.000 Florin pa aña. No esaki so sino tur e otro gastonan cu ta subiendo.

Biba un bida saludabel no solamente ta yuda cada persona sino lo evita tambe cu gastonan medico lo bira impagabel. Nos a pone den nos programa di gobernacion cu nos lo bay pone énfasis riba prevención y nos no ta haci esaki solamente cu palabra sino cu accionnan concreto. Esaki ta nifica cu nos lo ta hopi mas agresivo den campañaan di conscientisacion pa comunidad come saludabel, haci ehercicio y biba saludabel.

Segun World Health Organization (WHO) cada ciudadano mester haci ehercicio por lo menos 30 minuut tur dia. Nos comunidad mester evita di come productonan cu ta contene suco y salo. Esakinan ta hopi danino pa cu salud di nos comunidad. Ta nos deber pa nos educa nos comunidad riba e consecuencianan di no come y biba saludabel. Ta pesey nos lo cuminsa cu diferente campaña di brinda informacion y tambe di conscientisacion pa cu prevención di salud. United Nations a pone como meta cu pa aña 2030 nan lo kier reduci e NCD's (non Communicable Diseases-malesanan crónico) cu 30% y logicamente Aruba tambe tin e deseo di logra e meta aki. E ta un meta en comun pa nos tin un comunidad mas saludabel.

Como gobierno nos ta trahando riba mas espacio tambe pa haci ehercicio, esaki nos a haci por ehempel na Malmok caminda na e momentonan aki e contruccion di Fase 2 Boardwalk Malmok y esaki ta den su fase final. Nos kier mehora e facilidadnan Deportivo pa haci nan atractivo pa stimula mas y mas hende participa activamente na deporte. Nos a introduci olimpiada escolar back despues di 8 aña. Nos a inverti den mehoracion di e trapinan di Hooiberg y tin deseo pa sigui drecha esaki den fase 2.

Nos mensahe na comunidad di Aruba ta pa nos tur hunto ban come mas saludabel, ban participa mas activamente na deporte y haci ehercicio y na final di dia esaki lo contribui na un comunidad mas saludabel y un reduccion den gastonan medico. Mas importante esaki ta boost bo systema inmunologico cu lo yuda combati Covid-19.

Na un forma hopi agresivo nos lo bai educa, consentiza y informa comunidad di e necesidad di prevención den salud.

Departamento di Salud Publico: SOLAMENTE TOQUE DE QUEDA Y ORARIO DI CIERE DI NEGOSHI A CAMBIA DI ORA, TUR OTRO MEDIDA TA KEDA VIGENTE

Cu flexibilisacion di e Toque de Queda y orario di ciere, Crisis Team a tuma nota cu tin algun persona of negoshie cu no a compronde bon e cambio y ta planeando fiesta.

Crisis Team ta informa cu tur otro medida ta keda mesun cos y cu control di parti di Task force ta keda vigente. Task force ta keda monitor unda por ta organisa fiesta y unda tin aglomeracion di hende sin cu ta tene na cuenta e medidanan di proteccion nesario. Musica no ta permiti y lo wordo controla pa Task force.

E casonan ta bahando pero nos no por permiti pa sosode loke na augustus y september a tuma lugar. Esnan cu viola e reglanan lo sufri e consecuencianan y lastima cu un of mas lo daña pa tur. Awor ta momento pa tur sector aprecia e echo cu nos a logra baha e casonan positivo pa dia y esnan activo. Sinembargo esaki no ta motibo pa nos fiesta pero pa nos sigui cumpli cu hopi diciplina cu e reglanan pa e situacion no cambia y nos bolbe cay den brote di casonan. E peligro tey ketu bay

MEDIDANAN. CORONAVIRUS COVID-19 ARUBA

ENTRANTE DIARANSON 7 DI OCTOBER, 2020

	TOQUE DE QUEDA 12:00 AM - 5:00 AM		CIERE 11:00 PM
--	---	--	--------------------------

ta vigente, mal comportacion por causa lockdown y perdida di miles di cupo di trabao. Sea consciente y responsabel. Bo por perhudica bo mes y otronan si bo no comporta segun reglanan.

Hunto nos ta logra control'e, Aruba ta conta cu bo.

MINISTERIO DI TURISMO
SALUBRIDAD PUBLICO
Y DEPORTE



Precaucion
pa evita contagio
NO TA CAMBIA

	Mantene 1.5M minimo di distancia		Laba man frecuentemente		Uza tapa boca paden di tur lugar.		Evita aglomeracion
---	-------------------------------------	---	----------------------------	---	--------------------------------------	---	-----------------------



Minister Chris Romero:

TARIFA REDUCI DI AWA PA CUNUKERO TA UN GRAN BENEFICIO PA ARUBA SU SECTOR PRIMARIO



For di aña 2018, pa ta exacto ariba Mundial di Awa, Gobierno di Aruba y WEB Aruba a firma un acuerdo pa explora e posibilidadnan pa ofrece awa special pa agricultura na un tarifa reduci. Como parti di e esfuerzo aki, e Titular di e Cartera di Sector Primario, sr. Chris Romero, conhuntamente cu Prome Minister, sra. Eveline Wever-Croes, a tuma e tarea pa busca un solucion factible pa distribucion di awa pa agricultornan local na un tarifa mas abou cu esun actual. Di e manera aki nos agricultornan lo por tin tin un produccion di cuminda cu un meta comercial.

Hunto cu WEB Aruba, a inventarisa tur e aspectonan cu ta influencia e disponibilidad di awa agricola. Asina a explora kico ta e calidad y cantidad minimo rekeri pa awa agricola. E

proceso a tuma su tempo pero finalmente e trabounan a keda cla y por haña un bista di e recurso y infraestructura actual di agricultornan pa ricibi awa na un tarifa special, y cual ta un awa di bon calidad y controla pa WEB NV.

Un actor importante den realisacion di e proyecto ta e Departamento di Agricultura, Cria y Pesca (Santa Rosa), cual for di cuminsamento a aporta cu datos y calculonan. Santa Rosa lo ta encarga cu e registro y control di produccion pa cada proyecto. E acuerdo aki a bira un realidad awor y esaki sigur ta un noticia sumamente positivo y cu ta papia di e esfuerzo di Minister Chris Romero pa fomenta desaroyo di Sector Primario como un pilar economico, entre otro di agricultura y criansa di bestia local.



Procedura pa sali di Isolacion:

- A.** Bou instruccion di DVG despues di 14 dia si NO tin sintoma pa mas cu 24 ora.
- B.** Si tin sintoma ainda na di 14 dia, NO por sali di isolacion.
- C.** Ta semper pendiente pa yamada, email of mensahe via Aruba Health App di DVG. Sin e autorisacion di DVG no por sali di isolacion. Esnan cu viola instruccion lo haya boet.

www.arubacovid19.org

PRESENTACION DI MINISTER GLENBERT CROES

CONFERENCIA DI PRENSA 8 OCT 2020:



**Fondo di Asistencia Social
di Emergencia**

- **FASE extension di 3 luna:**
 - October, november y december 2020
 - Pa trahado y pa comerciante independiente
- **Tin cambionan den proceso**
- **Tin cambionan den pago**

Continuacion Presentacion di Minister Glenbert Croes....**UPDATE CIFRA****DURANTE FASE I Y II UN TOTAL DI:**

- **14.087 Aplicacion di Trahado**
(inclusive aplicacionnan multiple)
- **3137 peticion pa prolongacion**
2700 persona a ricibi prolongacion
- **2.331 Aplicacion Comerciante Independiente**
660 peticion a ricibi prolongacion

**ULTIMO UPDATE
DIRECTIE FINANCIËN**

● In totaal a paga **11,225** persona

	Cantidad di persona	Suma
April	10,715	10,189,958
Mei	5,435	5,290,396
Juni	5,688	5,503,698
Juli	4,433	4,041,766
Augustus	3,591	3,703,312
September	2,704	2,532,768
Total		31,261,898.00

PETICION **ATRASA** FASE

PETICION CU AINDA TA DEN PROCESO:

- Tabata incompleto y recien a logra pa completa e peticion
- Re-evaluacion cu ta tumando luga
- 93 aplicacion di trahado ta den proceso ainda
- ZZP tin 26 peticion ainda den proceso
- Total di 253 aplicacion di trahado ta incompleto
- Total di 119 aplicacion di ZZP ta incompleto

www.fasehelpdesk.com

KEN TA BIN NA **REMARCA?**

- 1. Tur persona cu ya tin un FASE ID, pues persona nan cu a yega di REGISTRA pa FASE den pasado por PROLONGA
- 2. Tur persona cu NO a PROLONGA na tempo prome cu dia 15 di Augustus ultimo, por PROLONGA
- 3. Tur persona cu NO tin un FASE ID y NUNCA a APLICA, por APLICA ariba e website di FASE desde 5 di october te cu 15 di october. Y mester haci esaki TUR luna.

Continuacion Presentacion di Minister Glenbert Croes....

PROCESO

- Tur luna mester **PROLONGA** y/o **APLICA DI NOBO**
 - Durante dia 1 y dia 15 di e luna
- ZCP lo haya Afl. 950,- pa lunanan di october, november y december.
- FASE NO ta responsabel si e aplicante no prolonga of aplica na tempo.
- FASE NO ta responsabel si e aplicante NO duna informacion corecto.
- Si e aplicacion NO ta completo of corecto, e no ta wordo evalua.
- Si bo persona a duna informacion robes, FASE no ta responsabel pa haci cambio e.o. cambio di cuenta di banco robes of cuenta di banco di otro persona.

PROCESONAN



Continuacion Presentacion di Minister Glenbert Croes....

PROCESO DI FASE **PROLONGACION**

Presentacion FASE

Control FASE Financiero

SVB ta crea un plan di liquidacion

PAGO (ta paga despues di pago di loonsubsidie)

PROCESO DI FASE **APLICACION NOBO**

Presentacion FASE

SVB

DAS

Directie Financien

PAGO (ta efectua pago despues di pago di loonsubsidie)

Continuacion Presentacion di Minister Glenbert Croes....

CON PA **CONTACT** FASE

 **Fase Helpdesk**

 **Fase WhatsApp: 6996992**


 **Fase ZZP: 6991807**

Email: asistencia@fasehelpdesk.com

15 di october ta e ultimo dia cu por prolonga FASE pa e luna di october.




**Fondo di Asistencia Social
di Emergencia**



GOBIERNO DI ARUBA

Censo2020 TOCANTE



Un CENSO di Poblacion y Vivienda ta wordo ehecuta cada 10 aña door di Oficina Central di Estadistica (CBS) y e ta un conteo di tur persona y vivienda na Aruba riba un momento den tempo. Esaki ta e asina jama "Momento di Censo". E aña aki e "Momento di Censo" ta cay riba diahuebs 1 di oktober 12:00 di marduga. Tur persona cu na e "Momento di e Censo" ta biba na Aruba pa 1 aña of mas of tin e intencion di keda biba na Aruba pa 1 aña of mas ta wordo conta. Tambe tur vivienda na Aruba ta wordo conta.

E meta principal di e Censo ta pa duna contesta riba 4 pregunta principal:

1. Ken nos ta?
2. Cuanto nos ta?
3. Con nos ta biba?
4. Na unda nos ta biba?

KEN NOS TA?

Informacion tocante e capital humano di un pais ta esencial pa por midí e bienestar y e progreso di un pais. Den e cuadra aki e ta sumamente importante pa haya informacion confiabel y detaya di e poblacion di un pais. Durante di un Censo, datonan ta wordo colecta di entre otro e sexo, edad, situacion migratorio, estado di salud, nivel di educacion y e situacion laboral di esnan cu ta forma parti di e poblacion. Di e manera aki e Censo ta haci posibel pa duna un descripcion detaya di e capital humano di nos pais y contesta e pregunta "Ken nos ta". Si compara e datonan cu a wordo colecta durante di e diferente Censonan cu a tuma lugar na Aruba desde 1960, por haya tambe un contesta riba e preguntanan "Ken nos tabata" y "Ken nos lo ta".

CUANTO NOS TA?

Un Censo ta un conteo di poblacion y vivienda. E meta principal di un Censo ta pa haci un conteo completo di tur persona y vivienda na un pais. Na Aruba, un conteo 'de jure' ta wordo haci. Esaki ta nifica cu tur persona cu ta residencia usualmente na Aruba ta wordo conta. E contesta riba e pregunta "Cuanto nos ta" ta esencial pa maneho, planificacion y administracion nacional. E ta necesario pa tin informacion confiabel y detaya di, entre otro, e grandura di e poblacion

pa por planifica y implementa maneho economico y social na un manera apropiada y riba un base sostenibel, lagando ningun persona atras. Censonan di poblacion tambe ta forma e base pa proyeccionnan di poblacion cu ta esencial pa guia maneho riba termino largo.

CON NOS TA BIBA?

E areglonan cu personanan y hogarnan ta haci pa locual ta trata nan vivienda, ta varia tanto entre paisnan como tambe denter di paisnan y regionnan. Informacion cu ta regarda e areglonan cu personanan y hogarnan ta haci pa nan vivienda, den sentido di e acceso cu nan tin na awa, coriente y internet y e presencia di facilidadnan esencial, manera facilidadnan sanitario, ta esencial pa por monitorea aspectonan importante relata na e salud y bienestar di e personanan y hogarnan aki. E Censo di Poblacion y Vivienda ta provee informacion hopi balioso di "Con nos ta biba". E informacion aki por wordo usa door di esnan encarga cu maneho pa nan por tuma na nan encargo e necesidadnan di personanan y hogarnan y monitorea e progreso cu a wordo obtene den transcurso di tempo pa e Metanan di Desaroyo sostenibel cu a wordo reconoci mundialmente.

UNDA NOS TA BIBA?


Nacionnan Uni na 2017 a defini e meta di e Censo di Poblacion y Vivienda como lo siguiente: pa colecta, procesa y disemina estadisticanan di poblacion, e composicion di e poblacion y su caracteristicanan y e distribucion y organisacion di famia y hogarnan riba un forma detaya y pa areanan chikito. Di e forma aki, e Censo ta provee datonan detaya di "Unda nos ta biba". E datonan aki ta esencial pa esnan encarga cu maneho por aloca servicionan na unda tin mester di nan. E pregunta "Unda nos ta biba" tin un significancia agrega na momento cu datonan colecta durante di e diferente Censonan ta wordo compara cu otro den transcurso di tempo. E movicion geografico di e poblacion ta sigui patronchinan cla di e desaroyo economico di Aruba.

UPDATE CENSO2020

CENSO2020 UPDATE: CANTIDAD CONTA



HENDE HOMBER
2.573



HENDE MUHER
2.966

MUCHA 0-17: 1.285
ADULTO 18-64: 3.528
ADULTO 65+: 726
TOTAL: 5.539
FALTA +/-: 107.000

1.941 HOGAR a wordo conta!
Falta pa conta +/-
42.000 HOGAR

Situacion te cu 7 oktober 2020

CENSO2020 HELP DESK



Pa cualkier pregunta di pa mas
informacion tocante Censo2020
por yama of WhatsApp na:

524-7444

Di dialuna pa diadomingo for di 8 or di mainta te cu 8 or
di anochi.

També por manda nos un e-mail na census2020@cbs.aw

** yamada di Setar pa Setar ta gratis*



Pasobra Aruba ta conta riba BO!

Pasobra Aruba ta conta riba BO!



GOBIERNO DI ARUBA

UN
Feliz Dia

ISLAONLINE
PA INFORMACION
CORECTO Y BERDAD